

館課

三月下旬



門生金鏡

蕭曹兩魏相業評

夫以一身相天下俾天下稱功者斯其人將合天下
以為功者也一世以為功而萬世猶憶其人者人才
不一時有變遷因其人以用其才者人主之德也因
其才以定其功者宰相之實也三代而下邇稽往古
思維盛事而定其崇卑者相難其任足為天下傳者
其功良有異也高祖開基蕭曹秉國孝宣中興兩魏
有聲夫以鄙矣崛起草茅共勦盛業功高天下鄙矣
之後天下莫可爭功而何以鄙矣後舉平陽也高祖

論功謂參在何之上而史氏則云參其法何何功之不多讓也而兩相之相讓若此功不自己然後功成德不見德然後稱德是兩功相功並而時有不同者各因時立功也博陽吉不親細務固休休之量得其大體矣全人主于樞樞之中誠臨大難而不懼當大謀而能成者而不自居其功者何其難也高平相寬大不好妄為其勲猷則無可多紀夫以身居百僚之上原為人主建大功為天下除大弊而僅平平者豈其宜哉然亦未可盡非也向使推轂而修纖介之嫌觀

若之令不聞于時矣當仰成而持師心之見寧一之風不聞于時矣當比肩而操異同之術中興之功不聞于時矣是高祖之興宜何相天下以大其功宜參繼何之任以相天下而大其功也漢室傾危賴吉出而燮理之振作之斯時也天下方懼多事則興一利而天下懼謂大利者大害所歸除一弊而天下懼謂除弊者即弊所生使相復以興利除害之意行之天下又未盡善也其順時無作天道息其患灾人道貫其經緯者相之未可盡非也然以何參之數十年憂勤而

助高祖以成功一政善天下以為善一法良百年以
為法漢室之功何參其始基之矣即後之中興也時
雖不同而相先之訓可考也典謨之事可法也吉其
得何參之為功而為功也相則因之以為功焉後之
相天下者其鑒諸

錦樹行

蘭署花磚春日移龍蛇影動何參差律吹榆火向東
來綠戰紅酣上苑時近日新豐裁豹尾多年蔭殿過
黃鸝銅銀道上幾千章妙入丹青碧玉枝游女含情

乘畫閣、健兒躍馬繫青綠、社鼓樞林正日午、行人欲
醉風花舞、藍田玉圃不知春、漢曉吳煙安足數、紛紛
樹上白雲飛、散入千家與萬戶、

韓文公集

書